

Hylli i Dritës

Ubi Spiritus Domini, ibi libertas.

(II. ad Cor. III. 17).

1. Mos të perçapemi...	Fq. 165
2. Ekonomí politike dhe politikë ekonomike	„ 171
3. Nji udhëtim nëpër alpet e Shqip. së Veriut	„ 174
4. Eneida e Virgilit	„ 180
5. Pse nuk perpiqemi?	„ 187
6. Lojë të komtare	„ 195
7. Gjurmime...	„ 200
8. Lajme rrokull Shqypnis	„ 204
9. Rreth botës	„ 207



*Drejtimi man tagrin m' çdo artikull, q' botohet në ket të
Perkohshme, tue ndalus njiherit edhe çdo rishtypje a perkthim.*



Mos të perçapemi...

Veç shpirtent e ligj e të sosun prej atij karakteri të dobtë « duej e mos muej » shohin e njellin perherë zí.

Tuj lânë m' ânesh gjithë njata të cillve u kandet me gjuejtë peshk n' ujë turbull si atëherë kur endë nuk ndritëte i kjartë në qiellin e Shqypnis ideali i pamvarësis e i unjisimit kombtar, populli e djelmnija shqyptare, mbas sá vjetësh vetëqeverimi, nuk kan pse rrojën me frigë në zëmer se trolli i Atdheut mund të shkelet prej të huejit, sikur edhë së kan pse druen se mund të siellet çë do eskrement i çetave t' ulta të vendeve të hueja per me bâ sprovët e aventurave të veta në plangun e perzëmert t' Atmes së vet. Shqypnija, e sigurueme kufish e në marradhanje qi shkojën tuj u bâ perherë e mâ miqsore me fqít e vet, jeton e thithë atë atmosferë t' ambel lirije e pamvarësije, qi kje andrra e fatosave të padekëshem në kujtimin t' onë t' idës kombtare, qi rán flíje per me na trashigue né êmnin « shqyptár ».

Na breznija e sodshme, qi i kemi jetue veç porsá kohët e njegullta të lëvisëjeve t' independencës s' onë komtare, nuk diejëm me e çmue sa duehet randsín qi ka per né me pasë per atdhë Shqypnin; lirija çmohet vetem atëherë kur njeri gjindet a bjen në robnín e të huejit. Prandej na kemi pse me kënë fare kondend per ketë cung votre, në të cillin pushon shqyptari zot i lirë në shpi të vet.

Ngrehun prej vorri mbas nji gjumi të randë kater shekujsh robnije, Shqypnija të dukej nder ato vjetët e para si mos t' ishte e zoja me u mbajtë nder kambët e veta. Isht' bâ mos me u njohtë, kaq kishte hí e marue, thue se nuk ishte ajo vigánja e perparëshme e pashme e e hieshme, qi nder mote të kalueme lakmohej aqë fortë prej të huejsh. I vîte era

